

細雨濛濛花信催  
冰梅數點應春開  
醉歌一曲齊天樂  
吸盡人間新舊醅

漁隱

柳陰深處下漁竿  
颯颯秋風笠影寒  
可是桃源音信杳  
釣船斜泊武陵灘

初秋

飄飄梧葉報新秋  
翠草迎涼景色幽  
一片白雲飛過也  
好風吹我到蘋洲

秋景四首

無端梧葉又驚秋  
處處烟巒歛更幽  
薄暮蟬聲喧未了  
碧湖聽

道藏輯要

皇帝詩集

三

室集七  
118

罷月明舟

一徑斜陽晚照殘  
牧童牛背畫中看  
三秋莫道無顏色  
籬菊黃時楓葉丹

草色青青點綠苔  
幽蘭芳菊徧庭隈  
人間豈少閒遊處  
閒苑風清次第回

飄零黃葉似多情  
趺坐林間落滿襟  
一片秋光何處去  
今朝松竹送寒聲

重九二首

連宵風雨報重陽  
簌簌金聲耐晚涼  
最是一年秋好處  
籬邊黃菊未經霜

秋雨秋風秋更涼秋光秋景近重陽秋蟲徧逐秋園鬧一片秋聲入草堂

重陽日霽

驟鸞飛下白雲鄉劍佩盈盈繞畫堂天爲多情憐令序不教風雨鬧重陽

暮秋二首

司天底事太匆忙搗盡寒衣夜色涼塞雁一聲秋漸老滿林紅點洞庭霜

丹楓飄盡楚江頭好景無端一夕收荷盡菊殘秋已去颼颼寒意逼蘋洲

道藏輯要

白帝詩集

單

室集七  
川上八

月下賞桂六首

扶踈古桂影毵毵玉輦移來日已三趁此瑤池歌未罷與君把酒共君談

霓裳宴罷酒初酣乘興花前暫駐驂一帶茂林烟瑣瑣難忘情處是江南

亭亭叢桂影婆娑花下高吟踏踏歌千頃明蟾催酒興擎杯遑問夜如何

朝吞紅日暮餐烟暮暮朝朝不記年長嘯一聲山月白桂香露下且安眠

金粟年年應候開淒涼孤月照莓苔天公有意增花色特遣羣